



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

*ZAPISNIK*  
*O RADU 45. SJEDNICE*  
*GRADSKOG VIJEĆA GRADA SARAJEVA*  
*ODRŽANE 19.11.2024. GODINE*

*Sarajevo, novembar 2024. godine*

**Adresa:** Hamdije Kreševljakovića 3  
71 000 Sarajevo  
**Tel.:** +387 33 216 659  
**Fax:** +387 33 205 874  
**Email:** [gsgv@sarajevo.ba](mailto:gsgv@sarajevo.ba)  
**Web:** [gradskovijece.sarajevo.ba](http://gradskovijece.sarajevo.ba)



**ZAPISNIK O RADU 45. SJEDNICE  
GRADSKOG VIJEĆA GRADA SARAJEVA  
ODRŽANE 19.11.2024. GODINE**

Broj: 01-GV-02-1472/24

Datum: 19.11.2024. godine

Sjednica je počela sa radom u 10.00 sati.

Sjednicom je predsjedavao **Jasmin Ademović, predsjedavajući Gradskog vijeća.**

Prisutni su bili sljedeći gradski vijećnici:

1. Alem Logo
2. Almedin Miladin
3. Biljana Lazarević
4. Danijela Šahat
5. Jasmin Ademović
6. Samir Bejić
7. Toni Vukadin
8. Amra Zulfikarpašić
9. Alen Girt
10. Mirela Džehverović
11. Ratko Orozović
12. Hazim Bahtanović
13. Srđan Simonović
14. Vedad Deljković
15. Dragan Stevanović
16. Muamer Mekić
17. Robert Pleše
18. Seid Škaljić
19. Željko Majstorović
20. Vedran Dodik
21. Drago Jurić
22. Enisa Spahić
23. Jasmin Skorupan
24. Srđan Srdić

Odsutni: Adi Škaljić (podnio ostavku na mandat gradskog vijećnika), Lajla Ćosović (najavljen izostanak), Elvedin Korora i Bajro Biber (najavljen izostanak)

Pored gradskih vijećnika, sjednici su prisustvovali:

1. Anja Margetić Stakić, zamjenica gradonačelnice Grada Sarajeva
2. Samir Avdić, zamjenik gradonačelnice Grada Sarajeva
3. Admir Jusufbegović, pravobranilac Grada Sarajeva
4. Mila Eminović, sekretar Gradskog vijeća Grada Sarajeva
5. Mirjana Đanović Stanić, rukovodilac Stručne službe za poslove Gradskog vijeća
6. Aida Bajramović, sekretarka organa uprave
7. Dženana Šarčević, rukovodilac Stručne službe za poslove kabineta i poslove Gradske uprave
8. Zinaida Čengiđ, rukovodilac Stručne službe za protokolarnе poslove, odnose s javnošću i međunarodnu saradnju
9. Dragana Solaković, pomoćnica Gradonačelnice za lokalnu samoupravu
10. Senada Kočan, pomoćnica Gradonačelnice za opću upravu i zajedničke poslove
11. Merima Arifhodžić, pomoćnica Gradonačelnice za urbano planiranje, investicije, stambene i komunalne poslove
12. Muamer Kutlovac, pomoćnik Gradonačelnice za finansije

13. Elvir Hadžiahmetović, pomoćnik Gradonačelnice za lokalno poslovanje
14. Avdija Hasanović, direktor JP „Olimpijski bazen Otoka“ d.o.o. Sarajevo
15. Bakir Hadžiomerović, direktor JP „Sarajevo“ d.o.o. Sarajevo
16. Nataša Pelja Tabori, ispred Zavoda za planiranje razvoja Kantona Sarajevo
17. Aida Halilagić, ispred Zavoda za planiranje razvoja Kantona Sarajevo
18. Arijana Čišić-Omeragić, viši politički savjetnik iz Ureda Visokog predstavnika

Sjednici je prisustvovala članica Komisije za Statut i akte koja nije gradska vijećnica (prema evidenciji u Stručnoj službi za poslove Gradskog vijeća Grada Sarajeva).

\*\*\*\*\*

**Predsjedavajući Gradskog vijeća Jasmin Ademović** je pozdravio prisutne, te najavio utvrđivanje prisustva, odnosno najave odsustva po pozivu za sjednicu.

**Sekretar Gradskog vijeća Mila Eminović** je informisala Gradsko vijeće da sjednici, trenutno, prisustvuju 23 gradska vijećnika, da je izostanak, blagovremeno, najavila gradska vijećnica Lajla Ćosović, da sjednici ne prisustvuje gradski vijećnik Adi Škaljić obzirom da je podnio ostavku na poziciju gradskog vijećnika te da niko od gradskih vijećnika nije najavio kašnjenje.

\*\*\*\*\*

**Predsjedavajući Gradskog vijeća Jasmin Ademović** je konstatovao da sjednici prisustvuju 23 gradska vijećnika te da Gradsko vijeće ima kvorum za punovažan rad i odlučivanje.

Zatim je otvorio 45. sjednicu Gradskog vijeća Grada Sarajeva.

\*\*\*\*\*

Usljedilo je intoniranje himne Bosne i Hercegovine.

\*\*\*\*\*

**Predsjedavajući Gradskog vijeća Jasmin Ademović** je konstatovao da je radu sjednice pristupio gradski vijećnik Almedin Miladin te da sjednici prisustvuju 24 gradska vijećnika.

\*\*\*\*\*

**Predsjedavajući Gradskog vijeća Jasmin Ademović** je podsjetio gradske vijećnike da je Benjamini Karić pripao mandat načelnice Općine Novo Sarajevo, na osnovu potvrđenih rezultata lokalnih zbora, a u skladu s propisanom procedurom, da je gradonačelnica jučer prihvatila mandat načelnice Općine Novo Sarajevo i istovremeno podnijela ostavku na mandat gradonačelnice Grada Sarajeva, čime je Benjamini Karić, gradonačelnici Grada Sarajeva s jučerašnjim danom, mandat gradonačelnice Grada Sarajeva i prestao u skladu sa Izbornim zakonom.

**Predsjedavajući Gradskog vijeća Jasmin Ademović** se zahvalio prof.dr. Benjamini Karić na saradnji i na poslu koji je radila protekle četiri godine za Grad Sarajevo uz želje za uspjeh na novoj funkciji.

\*\*\*\*\*

**Predsjedavajući Gradskog vijeća Jasmin Ademović** je otvorio raspravu o Zapisniku o radu sa 44. sjednice Gradskog vijeća Grada Sarajeva održane dana 23.10.2024. godine.

Obzirom da nije bilo prijavljenih za raspravu, pozvao je gradske vijećnike da se izjasne o Zapisniku o radu sa 44. sjednice Gradskog vijeća Grada Sarajeva održane dana 23.10.2024. godine.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **većinom glasova**, izjasnivši se sa 20 glasova „za“, bez glasova „protiv“ i dva „suzdržana“ glasa prisutnih gradskih vijećnika (dva gradska vijećnika se nisu izjasnila) **usvojilo je Zapisnik o radu 44. sjednice Gradskog vijeća Grada Sarajeva održane dana 23.10.2024. godine.**

\*\*\*\*\*

**Predsjedavajući Gradskog vijeća Jasmin Ademović** je podsjetio gradske vijećnike da su, uz predloženi dnevni red sjednice, dostavljeni materijali sa izvještajima radnih tijela koja su održana u pripremi 45. sjednice Gradskog vijeća Grada Sarajeva.

Također je podsjetio da je, kao informativni materijal, dostavljeno Obavještenje Mandatno-imunitetske komisije o prestanku mandata gradonačelnici Grada Sarajeva kao i Ostavka na dužnost gradonačelnice Grada Sarajeva Benjamine Karić.

**Gradski vijećnik Toni Vukadin, predsjedavajući Kluba gradskih vijećnika Naroda i Pravde** je, u ime Kluba, u diskusiji, predložio **predsjedavajućem Gradskog vijeća Jasminu Ademoviću** da u funkciji **predsjedavajućeg Administrativne komisije** sazove **Administrativnu komisiju** koja je **predlagač Odluke o vršiocu dužnosti gradonačelnika Grada Sarajeva (Samir Avdić)** kako bi se predložena odluka povukla dok Centralna izborna komisija Bosne i Hercegovine ne dostavi odgovor na upit **zamjenika gradonačelnice Grada Sarajeva Samira Avdića**.

**Gradski vijećnik Muamer Mekić, predsjedavajući Kluba gradskih vijećnika Socijaldemokratske partije BiH**, je, u vezi sa diskusijama zamjenika gradonačelnice Samira Avdića i gradskog vijećnika Toni Vukadina, iznio stav Kluba da se predložene odluke o vršiocu dužnosti gradonačelnika Grada Sarajeva ne razmatraju na današnjoj sjednici.

**Zamjenik predsjedavajućeg Kluba gradskih vijećnika Naše stranke, gradski vijećnik Alen Girt** je, u ime Kluba, zatražio pauzu za dodatne dogovore.

**Predsjedavajući Gradskog vijeća Jasmin Ademović** je odobrio pauzu u trajanju od 10 minuta te je najavio, u toku trajanja pauze, održavanje sjednice Administrativne komisije.

\*\*\*\*\*

U nastavku sjednice, **predsjedavajući Gradskog vijeća Jasmin Ademović** je informisao Gradsko vijeće da je Administrativna komisija na sjednici održanoj u toku trajanja pauze, izjasnivši se jednoglasno, povukla Prijedlog Odluke o vršiocu dužnosti gradonačelnika Grada Sarajeva (Samir Avdić) koja je uvrštena u prijedlog dnevnog reda 45. sjednice Gradskog vijeća kao prva tačka.

**Zamjenica gradonačelnice Grada Sarajeva Anja Margetić Stakić** se izjasnila da daje usmenu saglasnost na materijale koji su predloženi u dnevnom redu 45. sjednice Gradskog vijeća.

**Predsjedavajući Gradskog vijeća Jasmin Ademović** je dao riječ **gradskom vijećniku Alenu Girtu** koji se, u diskusiji, izjasnio da on i **zamjenica predsjedavajućeg Gradskog vijeća Mirela Džehverović**, povlače Odluku o vršiocu dužnosti gradonačelnika Grada Sarajeva (Anja Margetić Stakić), koju su zajednički predložili za razmatranje na 45. sjednici Gradskog vijeća, po hitnom postupku, uzimajući u obzir da bi naredna sjednica Gradskog vijeća trebala biti održana u petak kada bi se odlučivalo o vršiocu dužnosti gradonačelnika Grada Sarajeva.

**Predsjedavajući Gradskog vijeća Jasmin Ademović** je konstatovao da su **zamjenica predsjedavajućeg Gradskog vijeća Mirela Džehverović i gradski vijećnik Alen Girt** povukli Prijedlog Odluke o vršiocu dužnosti gradonačelnika Grada Sarajeva (*Anja Margetić Stakić*), koji su predložili za razmatranje po hitnom postupku, nakon sazivanja 45. sjednice Gradskog vijeća.

Konstatovao je da se predložene odluke, koje su predlagači povukli, neće razmatrati u prethodnim pitanjima.

Zatim je **predsjedavajući Gradskog vijeća Jasmin Ademović** najavio određivanje o aktima pod tačkama 2,4,5,6 i 7 predloženog dnevnog reda koji su dostavljeni na razmatranje od strane ovlaštenih predlagača, u formi prijedloga po skraćenom postupku, po proceduri koja zahtjeva izjašnjavanje Gradskog vijeća o prethodnom pitanju.

**Predsjedavajući Gradskog vijeća Jasmin Ademović** je predložio da Gradsko vijeće, u skladu sa članom 80. stav 5. Poslovnika Gradskog vijeća Grada Sarajeva, o proceduralnom pitanju o aktima koji su predloženi na razmatranje po skraćenom postupku vodi jedinstvenu raspravu, a odlučuje odvojeno.

**Predsjedavajući Gradskog vijeća Jasmin Ademović** je otvorio raspravu o proceduralnom prijedlogu da se o aktima koji su predložena za razmatranje po skraćenom postupku vodi jedinstvena rasprava, a odlučuje odvojeno.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 22 glasa „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio) **usvojilo je proceduralni prijedlog** da se o **proceduralnim prijedlozima** za razmatranje akata koji su predloženi za razmatranje po skraćenom postupku **vodi jedinstvena rasprava, a odlučuje odvojeno.**

**Zatim je predsjedavajući Gradskog vijeća Jasmin Ademović** otvorio jedinstvenu raspravu o proceduralnim prijedlozima da se predloženi akti razmatraju po skraćenom postupku.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 22 glasa „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio), **usvojilo je proceduralni prijedlog** da se Odluka o usvajanju sadržaja teksta Spomen-obilježja civilnim žrtvama zločina opsade Sarajeva 1992-1996 **razmatra u formi prijedloga po skraćenom postupku.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 21 glasom „za“, bez glasova „protiv“ i bez „suzdržanih“ glasova prisutnih gradskih vijećnika (dva gradska vijećnika se nisu izjasnila), **usvojilo je proceduralni prijedlog** da se Odluka o stavljanju van snage Odluke o stavljanju van snage Odluke o izmjenama i dopunama Odluke o pristupanju izradi Regulacionog plana “Centar Novo Sarajevo” **razmatra u formi prijedloga po skraćenom postupku.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 22 glasa „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio), **usvojilo je proceduralni prijedlog** da se Odluka o usvajanju Akcionog plana rodne ravnopravnosti Grada Sarajeva za period 2025.-2028. godina **razmatra u formi prijedloga po skraćenom postupku.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **većinom glasova**, izjasnivši se sa 18 glasova „za“, bez glasova „protiv“ i tri „suzdržana“ glasa prisutnih gradskih vijećnika (dva gradska vijećnika se nisu izjasnila), **usvojilo je proceduralni prijedlog** da se Odluka o izmjeni Odluke o osnivanju Pravobranilaštva Grada Sarajeva **razmatra u formi prijedloga po skraćenom postupku.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, izjasnivši se sa 13 glasova „za“, bez glasova „protiv“ i tri „suzdržana“ glasa prisutnih gradskih vijećnika (sedam gradskih vijećnika se nije izjasnilo), **nije usvojilo proceduralni prijedlog** da se Odluka o davanju saglasnosti na Pravilnik o izmjeni Pravilnika o unutrašnjoj organizaciji Pravobranilaštva Grada Sarajevo **razmatra u formi prijedloga po skraćenom postupku.**

Budući da je **gradski vijećnik Toni Vukadin, predsjedavajući Kluba gradskih vijećnika Naroda i Pravde, izrazio sumnju u rezultate glasanja o Prijedlogu Odluke o davanju saglasnosti na Pravilnik o izmjeni Pravilnika o unutrašnjoj organizaciji Pravobranilaštva Grada Sarajevo**, uslijedilo je poimenično glasanje.

**Sekretar Gradskog vijeća Mila Eminović** je pozivala gradske vijećnike da se poimenično izjasne, te su se gradski vijećnici izjasnili, kako slijedi:

1. Alem Logo - za
2. Almedin Miladin - za
3. Biljana Lazarević - za
4. Danijela Šahat - suzdržana
5. Jasmin Ademović - za
6. Samir Bejić - suzdržan
7. Toni Vukadin - za
8. Adi Škaljić - nije prisutan
9. Amra Zulfikarpašić - nije prisutna
10. Alen Girt - suzdržan
11. Mirela Džehverović - suzdržana
12. Ratko Orozović - suzdržan
13. Hazim Bahtanović - ne želi se izjasniti
14. Lajla Ćosović - nije prisutna
15. Srđan Simonović - za
16. Vedad Deljković - za
17. Dragan Stevanović - za
18. Elvedin Korora - nije prisutan
19. Muamer Mekić - za
20. Bajro Biber - nije prisutan
21. Robert Pleše - suzdržan
22. Seid Škaljić - za
23. Željko Majstorović - za
24. Vedran Dodik - za
25. Drago Jurić - za
26. Enisa Spahić - suzdržana
27. Jasmin Skorupan - za
28. Srđan Srdić - suzdržan

Poslije poimeničnog glasanja, **predsjedavajući Gradskog vijeća Jasmin Ademović** je konstatovao da **Gradsko vijeće Grada Sarajeva** izjasnivši se sa **14 glasova "za", bez glasova "protiv", osam "suzdržanih" glasova i jedan gradski vijećnik nije glasao nije usvojilo proceduralni prijedlog** da se Odluka o davanju saglasnosti na Pravilnik o izmjeni Pravilnika o unutrašnjoj organizaciji Pravobranilaštva Grada Sarajevo **razmatra u formi prijedloga po skraćenom postupku.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 23 glasa „za“, bez glasova „protiv“ i bez „suzdržanih“ glasova prisutnih gradskih vijećnika **usvojilo je dnevni red 45. sjednice Gradskog vijeća Grada Sarajeva, tako da glasi:**

1. Prijedlog Odluke o usvajanju sadržaja teksta Spomen-obilježja civilnim žrtvama zločina opsade Sarajeva 1992-1996
2. Prijedlog Odluke o izmjenama Odluke o načinu korištenja, održavanja i čuvanja uređenih vodotoka na području Grada Sarajeva
3. Prijedlog Odluke o stavljanju van snage Odluke o stavljanju van snage Odluke o izmjenama i dopunama Odluke o pristupanju izradi Regulacionog plana "Centar Novo Sarajevo"

4. Prijedlog Odluke o usvajanju Akcionog plana rodne ravnopravnosti Grada Sarajeva za period 2025.-2028. godina
5. Prijedlog Odluke o izmjeni Odluke o osnivanju Pravobranilaštva Grada Sarajeva
6. Izvještaj o izvršenju Budžeta Grada Sarajeva za III kvartal (01.01.-30.09.2024. godine)
7. Informacija o realizaciji budžetskih sredstava organizacijama humanitarnog karaktera
8. Informacija o saradnji i odnosima organa Grada Sarajeva sa nacionalnim manjinama
9. Vijećnička pitanja i inicijative

#### **Ad 1)**

#### **Prijedlog Odluke o usvajanju sadržaja teksta Spomen-obilježja civilnim žrtvama zločina opsade Sarajeva 1992-1996**

**Predsjedavajući Gradskog vijeća Jasmin Ademović** je dao uvodne napomene sljedećeg sadržaja.

Predlagač Odluke je Komisija za spomenike Gradskog vijeća.

Prijedlog Odluke je razmatrala Komisija za Statut i akte.

Mišljenje radnog tijela je dostupno gradskim vijećnicima.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 23 glasa „za“, bez glasova „protiv“ i bez „suzdržanih“ glasova prisutnih gradskih vijećnika **usvojilo je Odluku o usvajanju sadržaja teksta Spomen-obilježja civilnim žrtvama zločina opsade Sarajeva 1992-1996, kako je predložena.**

#### **Ad 2)**

#### **Prijedlog Odluke o izmjenama Odluke o načinu korištenja, održavanja i čuvanja uređenih vodotoka na području Grada Sarajeva**

**Predsjedavajući Gradskog vijeća Jasmin Ademović** je dao uvodne napomene sljedećeg sadržaja.

Predlagač Odluke je Gradonačelnica.

Prijedlog Odluke su razmatrali Odbor za javne službe, infrastrukturu i javni saobraćaj i Komisija za Statut i akte.

Mišljenja radnih tijela su dostupna gradskim vijećnicima.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 21 glasom „za“, bez glasova „protiv“ i bez „suzdržanih“ glasova prisutnih gradskih vijećnika (dva gradska vijećnika se nisu izjasnila) **usvojilo je Odluku o izmjenama Odluke o načinu korištenja, održavanja i čuvanja uređenih vodotoka na području Grada Sarajeva, kako je predložena.**

#### **Ad 3)**

#### **Prijedlog Odluke o stavljanju van snage Odluke o stavljanju van snage Odluke o izmjenama i dopunama Odluke o pristupanju izradi Regucionog plana “Centar Novo Sarajevo”**

**Predsjedavajući Gradskog vijeća Jasmin Ademović** je dao uvodne napomene sljedećeg sadržaja.

Predlagači Odluke su gradski vijećnici Naše stranke.

Prijedlog Odluke su razmatrali Odbor za urbanizam i upotrebu lokalnog zemljišta i Komisija za Statut i akte.

Mišljenja radnih tijela su dostupna gradskim vijećnicima kao i Mišljenje Gradonačelnice.

Odbor za urbanizam i upotrebu lokalnog zemljišta je sugerisao Gradskom vijeću Grada Sarajeva da predloženu odluku ne usvoji kako se procesi donošenja Plana ne bi vraćali na početak.

U Mišljenu Gradonačelnice se, između ostalog, kaže da neka nova odluka ne bi mogla ponuditi nove smjernice u odnosu na one koji su već inkorporirane u odluci iz 2015. godine koja je sada na snazi, koja ima apsolutno zakonsko i stručno uporište, kao i potrebno urbanističko tehnička usmjerenja za nastavak izrade planske dokumentacije.

Uz Prijedlog Odluke o stavljanju van snage Odluke o stavljanju van snage Odluke o izmjenama i dopunama Odluke o pristupanju izradi Regulacionog plana "Centar Novo Sarajevo" **predložen je i Zaključak** koji je dostupam gradskim vijećnicima.

Uvodno izlaganje podnio je **gradski vijećnik Alen Girt**.

U raspravi koja je je uslijedila učestvovali su **gradski vijećnik Dragan Stevanović, zamjenica predsjedavajućeg Gradskog vijeća Mirela Džehverović, gradski vijećnik Srđan Srdić, gradski vijećnik Alen Girt** koji je dodatno pojasnio razloge za predlaganje odluke i predloženi zaključak, **gradski vijećnik Hazim Bahtanović, gradski vijećnik Vedad Deljković i gradski vijećnik Robert Pleše**, a odgovore na pitanja gradskih vijećnika dale su **Merima Arifhodžić, pomoćnica Gradonačelnice za urbano planiranje, investicije, stambene i komunalne poslove i Nataša Pelja Tabori, ispred Zavoda za planiranje razvoja Kantona Sarajevo**.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva, većinom glasova**, izjasnivši se sa 18 glasova „za“, bez glasova „protiv“ i jednim „suzdržanim“ glasom prisutnih gradskih vijećnika (pet gradskih vijećnika se nije izjasnilo) **usvojilo je Odluku o stavljanju van snage Odluke o stavljanju van snage Odluke o izmjenama i dopunama Odluke o pristupanju izradi Regulacionog plana "Centar Novo Sarajevo", kako je predložena.**

Zatim je predsjedavajući Gradskog vijeća Jasmin Ademović pročitao predloženi zaključak i zatražio da se Gradsko vijeće izjasni o istom:

Zadužuje se Gradonačelnica da prije predlaganja odluke čiji sadržaj bi bio prestanak postojanja obaveze primjena mjera iz zaključka o ventilacionim koridorima Skupštine Kantona Sarajevo koji je stavljen van snage, u saradnji sa nosiocem izrade plana, preispita smjernice za izradu izmjena i dopuna predmetnog plana tako da predlože nove smjernice koje će u svemu biti usklađene i sa rješenjima iz nacрта, odnosno osnovne koncepcije Urbanističkog plana za urbano područje grada Sarajeva koji je Skupština Kantona Sarajevo, kao što je poznato, uputila u javnu raspravu i da predloži novu odluku, u odgovarajućoj formi, koja će sadržavati i nove smjernice i režim zabrane građenja u skladu sa zakonom, kao i prestanak obaveze primjene navedenog zaključka Skupštine Kantona Sarajevo.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva, jednoglasno**, izjasnivši se sa 17 glasova „za“, bez glasova „protiv“ i bez „suzdržanih“ glasova prisutnih gradskih vijećnika (šest gradskih vijećnika se nije izjasnilo) **usvojilo zaključak na prijedlog vijećnika Naše stranke.**

**Ad 4)**

**Prijedlog Odluke o usvajanju Akcionog plana rodne ravnopravnosti Grada Sarajeva za period 2025.-2028. godina**

**Predsjedavajući Gradskog vijeća Jasmin Ademović je dao uvodne napomene sljedećeg sadržaja.**

Predlagач Odluke je Gradonačelnica.

Prijedlog Odluke su razmatrale Komisija za jednakopravnost spolova i Komisija za Statut i akte.



Mišljenja radnih tijela su dostupna gradskim vijećnicima.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 19 glasova „za“, bez glasova „protiv“ i bez „suzdržanih“ glasova prisutnih gradskih vijećnika (pet gradskih vijećnika se nije izjasnilo) **usvojilo je Odluku o usvajanju Akcionog plana rodne ravnopravnosti Grada Sarajeva za period 2025.-2028. godina, kako je predložena.**

**Ad 5)**

**Prijedlog Odluke o izmjeni Odluke o osnivanju Pravobranilaštva Grada Sarajeva**

**Predsjedavajući Gradskog vijeća Jasmin Ademović** je dao uvodne napomene sljedećeg sadržaja.

Predlagač Odluke je Pravobranilac Grada Sarajeva.

Prijedlog Odluke su razmatrale Administrativna komisija i Komisija za Statut i akte.

Mišljenja radnih tijela su dostupna gradskim vijećnicima kao i Mišljenje Gradonačelnice.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **većinom glasova**, izjasnivši se sa 15 glasova „za“, jednim glasom „protiv“ i tri „suzdržana“ glasa prisutnih gradskih vijećnika (pet gradskih vijećnika se nije izjasnilo) **usvojilo je Odluke o izmjeni Odluke o osnivanju Pravobranilaštva Grada Sarajeva, kako je predložena.**

**Ad 6)**

**Izveštaj o izvršenju Budžeta Grada Sarajeva za III kvartal (01.01.-30.09.2024. godine)**

**Predsjedavajući Gradskog vijeća Jasmin Ademović** je dao uvodne napomene sljedećeg sadržaja.

Predlagač Izveštaja je Gradonačelnica.

Izveštaj su razmatrali Odbor za budžet i finansije, Administrativna komisija i Komisija za Statut i akte.

Mišljenja radnih tijela su dostupna gradskim vijećnicima.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 19 glasova „za“, bez glasova „protiv“ i bez „suzdržanih“ glasova prisutnih gradskih vijećnika (pet gradskih vijećnika se nije izjasnilo) **usvojilo je Izveštaj o izvršenju Budžeta Grada Sarajeva za III kvartal (01.01.-30.09.2024. godine), kako je podnesen.**

**Ad 7)**

**Informacija o realizaciji budžetskih sredstava organizacijama humanitarnog karaktera**

**Predsjedavajući Gradskog vijeća Jasmin Ademović** je dao uvodne napomene sljedećeg sadržaja.

Informaciju je podnijela Gradonačelnica.

Informaciju su razmatrali Odbor za budžet i finansije i Odbor za društvene djelatnosti.

Mišljenja radnih tijela su dostupna gradskim vijećnicima.

**Predsjedavajući Gradskog vijeća Jasmin Ademović** je konstatovao da je **Gradsko vijeće Grada Sarajeva**, bez rasprave, **primilo k znanju Informaciju o realizaciji budžetskih sredstava organizacijama humanitarnog karaktera.**

## Ad 8)

### Informacija o saradnji i odnosima organa Grada Sarajeva sa nacionalnim manjinama

**Predsjedavajući Gradskog vijeća Jasmin Ademović** je dao uvodne napomene sljedećeg sadržaja.

Informaciju je podnijela Gradonačelnica.

Informaciju je razmatrala Komisija za ljudska prava i slobode.

Mišljenje radnog tijela je dostupno gradskim vijećnicima.

**Predsjedavajući Gradskog vijeća Jasmin Ademović** je konstatovao da je **Gradsko vijeće Grada Sarajeva**, bez rasprave, primilo k znanju Informaciju o saradnji i odnosima organa Grada Sarajeva sa nacionalnim manjinama.

## Ad 9)

### Vijećnička pitanja i inicijative

**Predsjedavajući Gradskog vijeća Grada Sarajeva Jasmin Ademović** je dao uvodne napomene sljedećeg sadržaja.

Uz poziv za 45. sjednicu Gradskog vijeća, gradskim vijećnicima su dostupni odgovori na određena vijećnička pitanja i inicijative, kao i vijećnička pitanja i inicijative gradskih vijećnika, koje su zaprimljene do održavanja sjednice.

Podsjetio je gradske vijećnike da će inicijative za koje nije traženo izjašnjenje Gradskog vijeća kao i vijećnička pitanja biti prosljeđeni na dalje nadležno postupanje.

**Predsjedavajući Gradskog vijeća Jasmin Ademović** je najavio izjašnjenje o inicijativama za koje su podnosioci zatražili da ih Gradsko vijeće podrži.

**1. Predsjedavajući Gradskog vijeća Jasmin Ademović, u funkciji gradskog vijećnika** uputio je i obrazložio inicijativu sljedećeg sadržaja.

„Upućuje se inicijativa organima Grada Sarajeva da se pokrene procedura, odnosno donese odluka da se Univerzitetsko sportsko društvo „Bosna“ proglasi udruženjem od značaja za Grad Sarajevo“.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 18 glasova „za“, bez glasova „protiv“ i bez „suzdržanih“ glasova prisutnih gradskih vijećnika (šest gradskih vijećnika se nije izjasnilo) **podržalo je podnesenu inicijativu predsjedavajućeg Gradskog vijeća Jasmin Ademović, te je ona postala inicijativom Gradskog vijeća.**

**2. Gradski vijećnik Vedad Deljković** je uputio i obrazložio inicijativu kojom je predložio da Gradsko vijeće Grada Sarajeva donese zaključak sljedećeg sadržaja:

Gradsko vijeće daje saglasnost Gradonačelniku da poduzme potrebno da se upravljanje Jajce kasarnom i Bijelom tabijom povjeri Općini Stari Grad Sarajevo te da ista zaključi sporazum sa Vladom Federacije Bosne i Hercegovine kojim će se regulisati međusobna prava i obaveze.

U raspravi koja je uslijedila učestvovali su **gradski vijećnik Alen Girt i gradski vijećnik Vedad Deljković.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, **jednoglasno**, izjasnivši se sa 19 glasova „za“, bez glasova „protiv“ i bez „suzdržanih“ glasova prisutnih gradskih vijećnika (pet gradskih vijećnika se nije izjasnilo) **usvojilo je predloženi zaključak gradskog vijećnika Vedada Deljkovića.**

**3. Gradska vijećnica Danijela Šahat** uputila je i obrazložila **inicijativu** sljedećeg sadržaja. ULUPUBiH Udruženju likovnih umjetnika primijenjenih umjetnosti i dizajnera u Bosni i Hercegovini u skladu sa važećom Odlukom o uslovima i načinu sticanja statusa udruženja i fondacija od posebnog značaja za Grad Sarajevo utvrditi status „Udruženja od posebnog značaja za Grad Sarajevo“.

Potrebno je za narednu sjednicu Gradskog vijeća Grada Sarajeva dostaviti Prijedlog ove odluke Gradskom vijeću na razmatranje i odlučivanje.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 17 glasova „za“, bez glasova „protiv“ i bez „suzdržanih“ glasova prisutnih gradskih vijećnika (šest gradskih vijećnika se nije izjasnilo) **podržalo je podnesenu inicijativu gradske vijećnice Danijele Šahat, te je ona postala inicijativom Gradskog vijeća.**

**Zatim je predsjedavajući Gradskog vijeća Grada Sarajeva Jasmin Ademović** pozvao gradske vijećnike da upute vijećnička pitanja i inicijative.

**4. Gradski vijećnik Vedad Deljković**, izrazivši nezadovoljstvo dostavljenim odgovorom, ponovo je uputio **vijećničko pitanje**, sljedećeg sadržaja.

Potrebno je da Grad Sarajevo zatraži informaciju od Udruženja „Dajte nam šansu“ o mjesečnim primanjima odgovornih lica u ovom udruženju, budući da Grad Sarajevo izdvaja značajna sredstva za podršku radu ovom udruženju. Također potrebno je da Grad Sarajevo zatraži i informaciju o broju uposlenih u ovom udruženju.

\*\*\*\*\*

**Predsjedavajući Gradskog vijeća Jasmin Ademović** je zaključio rad 45. sjednice Gradskog vijeća Grada Sarajeva te je najavio održavanje sjednice Kolegija Gradskog vijeća u četvrtak 21.11.2024. godine na kojoj bi se Kolegij trebao odrediti o terminu održavanja 46. sjednice Gradskog vijeća.

\*\*\*\*\*

Sjednica Gradskog vijeća Grada Sarajeva završena je u 12.06 sati.

\*\*\*\*\*

Sastavni dio ovog zapisnika je izvornik i tonski snimak o radu sjednice Gradskog vijeća Grada Sarajeva koji se čuvaju u Stručnoj službi za poslove Gradskog vijeća Grada Sarajeva.

*SEKRETAR GRADSKOG VIJEĆA*

*Mila Eminović*

*PREDSJEDAVALJUĆI GRADSKOG VIJEĆA*

*Jasmin Ademović, s.r.*